




JABATAN KEBAJIKAN MASYARAKAT

# PERKHIDMATAN BANTUAN KEWANGAN



PEJABAT KEBAJIKAN MASYARAKAT DAERAH GOMBAK



# PENGENALAN

Jabatan Kebajikan Masyarakat (JKM) menyediakan perkhidmatan bantuan dan sokongan kewangan kepada golongan berkeperluan ke arah pencegahan, pemulihan, perlindungan, pembangunan dan pengintegrasian yang dilaksanakan melalui **Kerja Sosial**.

Pelaksanaan bantuan kebajikan adalah selaras dengan Senarai Bersama (***Concurrent List***) antara Kerajaan Persekutuan dengan Kerajaan Negeri, yang termaktub dalam peruntukan Perlembagaan Persekutuan Malaysia di bawah Senarai 3 – Jadual Kesembilan Senarai Perundangan

Konsep bantuan kebajikan adalah:

- **Bersifat Sementara** bagi membantu individu/keluarga yang tidak mampu dan berkeperluan sehingga dapat dipulihkan untuk hidup berdikari atau meneruskan kehidupan yang lebih baik.

# OBJEKTIF PEMBERIAN BANTUAN

02

Alat sokongan sosial (*social support tools*) untuk menilai kemampuan penerima bantuan ke arah berdikari dan mengurangkan kebergantungan kepada bantuan.

01


Memenuhi keperluan asas (*basic needs*) bagi meringankan beban penerima bantuan.

03


Alat pemulihan (*rehabilitation tools*) agar penerima bantuan terus kekal tinggal bersama komuniti/masyarakat

04

Sumber kewangan sementara penerima bantuan meneruskan kelangsungan dan kesejahteraan hidup



# PENDAPATAN GARIS KEMISKINAN (PGK) 2019



• PGK Makanan berkuat kuasa 1 Januari 2022

• PGK Makanan Per Kapita digunakan bagi kes yang bersesuaian khususnya yang mempunyai bilangan ahli keluarga ramai.



# JENIS BANTUAN KEWANGAN

## BANTUAN BULANAN

### Peruntukan Persekutuan

1. Bantuan Kanak-Kanak
2. Bantuan Warga Emas
3. Elaun Pekerja OKU
4. Bantuan OKU Tidak Upaya Bekerja
5. Bantuan Penjagaan Pesakit/OKU Terlantar
6. Bantuan Anak Pelihara

### Peruntukan Negeri

1. Bantuan Latihan Perantis
2. Bantuan AM



## BANTUAN SEKALIGUS

1. Bantuan Alat Tiruan/Sokongan;
2. Tabung Bantuan Segera (TBS)
3. Bantuan Geran Pelancaran
4. Tabung Binatang Buas

# BANTUAN KANAK-KANAK (BKK)

## SYARAT DAN KELAYAKAN

1. Warganegara dan bermastautin di Malaysia;
2. Keluarga/ penjaga yang memberi jagaan kepada kanak-kanak dan pendapatan isi rumah tidak melebihi Pendapatan Garis Kemiskinan (PGK) Purata **Miskin Isi Rumah** Semasa atau PGK Purata **Miskin Per Kapita** Semasa;
3. Kanak-kanak yang berumur di bawah 18 tahun dan yang berumur 18 tahun ke atas boleh dipertimbangkan jika bersekolah sehingga tamat menengah atas;

### ATAU

4. Mana-mana kes yang berkeperluan, layak dipertimbangkan dengan kelulusan Ketua Pengarah Kebajikan Masyarakat (KPKM).

## KADAR

**Minimum RM150 sehingga maksimum RM1,000 sebulan:-**

- RM200 seorang bagi anak berumur 6 tahun & ke bawah
- RM150 seorang bagi anak berumur 7 tahun -18 tahun

## TUJUAN

1. Membantu keluarga/ penjaga kepada anak/ kanak-kanak atau membantu anak/ kanak-kanak yang tiada/kehilangan penjaga supaya dapat terus tinggal bersama keluarga dan meneruskan kelangsungan hidup tanpa menjejaskan pertumbuhan dan perkembangan kanak-kanak mengikut peringkatnya.
2. Membantu memelihara dan memperkukuhkan institusi keluarga yang terlibat dalam memberi jagaan sempurna kepada kanak-kanak termasuk kasih sayang dan perhatian.



# BANTUAN WARGA EMAS (BWE)

## SYARAT DAN KELAYAKAN

1. Warganegara dan bermastautin di Malaysia;
2. Warga emas berumur 60 tahun dan ke atas;
3. Pendapatan Isi Rumah tidak melebihi Pendapatan Garis Kemiskinan (PGK) Purata **Miskin Isi Rumah** Semasa atau PGK Purata **Miskin Per Kapita** Semasa; dan
4. Warga emas yang bukan tinggal di:
  - i. Institusi kendalian JKM; atau
  - ii. Pusat jagaan harian / berkediaman yang memberi kemudahan / perkhidmatan secara percuma;

### ATAU

5. Mana-mana kes yang berkeperluan, layak dipertimbangkan dengan kelulusan KPKM.

## KADAR

RM 500 sebulan seorang

## TUJUAN

Bantuan ini diberikan kepada warga emas untuk meneruskan kelangsungan dan kesejahteraan kehidupan dalam komuniti.

# ELAUN PEKERJA ORANG KURANG UPAYA (EPOKU)

## SYARAT DAN KELAYAKAN

1. Warganegara, bermastautin dan bekerja di Malaysia;
2. Berumur 16 tahun ke atas;
3. Pemegang kad OKU JKM;
4. Pendapatan bulanan RM 1,500.00 dan ke bawah;

### ATAU

5. Mana-mana kes yang berkeperluan, layak dipertimbangkan dengan kelulusan KPKM

## KADAR

RM 450 sebulan seorang

## TUJUAN

Insentif ini diberikan untuk menggalakkan OKU terus bekerja, serta mampu hidup berdikari dan menjadi ahli masyarakat yang produktif



# BANTUAN OKU TIDAK BERUPAYA

## BEK

### SYARAT DAN KELAYAKAN

1. Warganegara dan bermastautin di Malaysia;
2. Berumur 16 tahun dan ke atas;
3. Pemegang Kad OKU JKM;
4. Tidak berupaya bekerja.
5. Pemohon **bukan** penghuni/ pelatih: i.Institusi kendalian JKM; atau ii.Pusat jagaan harian/ berkediaman yang menyediakan perkhidmatan/ kemudahan secara percuma; atau iii.Pemulihan Dalam Komuniti (PDK);
6. Sumber kewangan bulanan individu OKU tidak melebihi kadar Pendapatan Garis Kemiskinan (PGK) **Purata Miskin Per Kapita Semasa**.

### ATAU

7. Mana-mana kes yang berkeperluan, layak dipertimbangkan dengan kelulusan KPKM.

### Nota:

- *Sumber kewangan seperti pencen/ perkeso/ bantuan dan lain-lain*

### KADAR

**RM 300 sebulan seorang**

### TUJUAN

1. Membantu OKU yang tidak berupaya bekerja.
2. Menggalakkan OKU terus tinggal bersama keluarga

# BANTUAN PENJAGAAN OKU TERLANTAR / PESAKIT KRONIK TERLANTAR

## SYARAT DAN KELAYAKAN

1. Warganegara dan bermastautin di Malaysia;
2. Pemohon adalah **penjaga sepenuh masa**/ memberikan penjagaan rapi kepada OKU terlantar/ pesakit terlantar/ pesakit kronik yang memerlukan pengawasan dan penjagaan;
3. Pendapatan bulanan isi rumah tidak melebihi **RM3,000**;  
**ATAU**
4. Mana-mana kes yang berkeperluan, layak dipertimbangkan dengan kelulusan KPKM

## KADAR

**RM 500 sebulan seorang**

---

## TUJUAN

1. Meringankan bebanan keluarga/ penjaga
2. Menggalakkan keluarga/ penjaga untuk menjaga ahli keluarga yang OKU terlantar/ sakit terlantar/ sakit kronik.

# BANTUAN ANAK PELIHARA (BAP)

## SYARAT DAN KELAYAKAN

1. Warganegara dan bermastautin di Malaysia;
2. Keluarga yang sedang memberi jagaan kepada kanak-kanak berikut :-
  - i. Kanak-kanak berumur bawah 18 tahun;
  - ii. Tidak mempunyai ibu bapa dan tinggal bersama keluarga ganti; atau
  - iii. Kanak-kanak tinggal bersama keluarga pelihara melalui “Program Anak Pelihara” yang dikendalikan oleh JKM; atau
  - iv. Kanak-kanak yang dipelihara di bawah perintah Mahkamah Bagi Kanak-kanak mengikut Akta Kanak-kanak 2001.
  - v. Mana-mana kanak-kanak yang tinggal di PSK yang telah menyediakan perkhidmatan dan kemudahan secara percuma adalah tidak layak.

### ATAU

3. Mana-mana kes yang berkeperluan, layak dipertimbangkan dengan kelulusan KPKM.

### **Nota:**

1. ***Kanak-kanak bukan diambil sebagai anak angkat menerusi Akta Pengangkatan 1952 atau Akta Pendaftaran Pengangkatan 1952.***
2. ***Pendapatan keluarga tidak diambil kira.***

## KADAR

**RM250 sebulan seorang kanak-kanak. Maksimum RM500 sebulan bagi yang memelihara dua orang kanak-kanak atau lebih.**

---

## TUJUAN

1. Membantu kanak-kanak yang kurang bernasib baik atau yatim/ yatim piatu atau tidak mempunyai saudara-mara supaya dapat terus tinggal dalam masyarakat bersama-sama dengan keluarga pelihara dan menjalani kehidupan dengan sempurna.
2. Meringankan tanggungan keluarga pelihara yang sanggup menjaga anak-anak pelihara seperti anak sendiri tanpa prejudis.
3. Menggalakkan masyarakat untuk tampil mengambil kanak-kanak yang kurang bernasib baik atau yatim/ yatim piatu atau tidak mempunyai saudara-mara sebagai anak pelihara.

# BANTUAN LATIHAN PERANTIS (BLP)

## SYARAT DAN KELAYAKAN

1. Warganegara dan bermastautin di Malaysia;
2. Anak-anak penerima bantuan atau bekas pelatih/ bekas penghuni dari institusi kebajikan; atau
3. Kes-kes seliaan akhlak; atau
4. Bekas Pelatih Perintah Khidmat Masyarakat.

### ATAU

5. Mana-mana kes yang berkeperluan, layak dipertimbangkan dengan kelulusan KPKM.

**Nota: Kelulusan berdasarkan tempoh latihan dan maksimum 24 bulan.**

## KADAR

**RM250 sebulan seorang**

---

## TUJUAN

Membantu klien Jabatan atau anak-anak penerima bantuan yang tercicir daripada persekolahan dan menganggur serta bekas pelatih atau bekas penghuni institusi kebajikan untuk mendapatkan latihan kemahiran atau latihan sambil bekerja.

# BANTUAN AM (BA)

## SYARAT DAN KELAYAKAN

1. Warganegara dan rakyat Negeri Selangor atau telah bermastautin di Negeri Selangor Sekurang-kurangnya 10 tahun;
2. Pendapatan Isi Rumah tidak melebihi Pendapatan Garis Kemiskinan (PGK) RM1,500 atau PGK Purata Miskin **Per Kapita RM350 sebulan**;
3. Golongan yang memerlukan dan keluarga miskin yang tidak diliputi di bawah mana-mana skim bantuan bulanan JKM lain;

## KADAR

Kadar bantuan RM250, RM300 & RM350

---

## TUJUAN

Bantuan ini diberikan kepada individu/ keluarga kurang berkemampuan dan berkeperluan untuk meneruskan kelangsungan dan kesejahteraan kehidupan dalam komuniti.

# BANTUAN GERAN PELANCARAN (BGP)

## SYARAT DAN KELAYAKAN

1. Warganegara dan bermastautin di Malaysia;
2. Kumpulan sasar JKM;
3. Tidak melebihi Pendapatan Garis Kemiskinan (PGK) Purata Miskin **Isi Rumah** semasa atau PGK Purata Miskin **Per Kapita** Semasa;

### ATAU

4. Mana-mana kes yang berkeperluan, layak dipertimbangkan dengan kelulusan KPKM.

## KADAR

**Maksimum RM 2,700.00**

## TUJUAN

1. Perneriksaan ekonomi kumpulan sasar JKM yang produktif dan mempunyai minat, kemahiran dan berpotensi untuk menjana pendapatan individu/keluarga .
2. Mewujudkan program pembangunan dan pengintergrasian bagi membantu klien mencapai matlamat ke arah berdikari.



# BANTUAN ALAT TIRUAN / ALAT SOKONGAN (BAT)

## SYARAT DAN KELAYAKAN

1. Warganegara dan bermastautin di Malaysia;
2. Kumpulan sasar JKM;
3. Tidak melebihi Pendapatan Garis Kemiskinan (PGK) Purata Miskin **Isi Rumah** Semasa atau PGK Purata Miskin **Per Kapita** Semasa;
4. Disyorkan oleh pegawai atau pakar perubatan (kerajaan/ swasta)/ Pegawai JKM mengikut jenis ketidakupayaan;

### **ATAU**

5. Mana-mana kes yang berkeperluan, layak dipertimbangkan dengan kelulusan KPKM.

### **Nota:**

- ***Sumbangan daripada keluarga membiayai sebahagian dari kos alat tiruan/ alat sokongan adalah digalakkan.***
- ***Jenis peralatan anggota palsu / alat sokongan***  
**- Lampiran 1(a)**

## KADAR

**Mengikut harga sebenar yang telah ditetapkan.**

## TUJUAN

1. Membantu kumpulan sasar JKM yang kurang berkemampuan dan berkeperluan untuk membeli anggota palsu atau alat sokongan seperti yang disyorkan oleh Pegawai atau Pengamal Perubatan (kerajaan/ swasta) atau Pegawai JKM mengikut jenis ketidakupayaan;
2. Membolehkan kumpulan sasar JKM meningkatkan keupayaan dan mobiliti bagi menjalani kehidupan.



# TABUNG BANTUAN SEGERA (TBS)

## SYARAT DAN KELAYAKAN

1. Warganegara dan bermastautin di Malaysia;
2. Kategori kes seperti di **Lampiran 1(b)**;  
**ATAU**
3. Mana-mana kes yang berkeperluan, layak dipertimbangkan dengan kelulusan oleh Pengarah Kebajikan Masyarakat Negeri (PKMN).

## KADAR

**Maksimum RM300 sekaligus; atau (Bagi bayaran bulan pertama bantuan bulanan/ *refund* adalah mengikut kadar bantuan bulanan yang diluluskan)**

---

## TUJUAN

Pemberian bantuan segera yang diberi serta merta secara sekaligus (*One-off*) kepada kumpulan sasaran yang layak dan terdesak

# KATEGORI PENERIMA TABUNG BANTUAN SEGERA

## Bantuan Serta Merta

Bagi kes yang tidak boleh menunggu proses bayaran bantuan biasa kerana keadaan keperluan asas kehidupannya termasuk makanan, pakaian perkara yang berkaitan dengan tempat tinggal seperti bekalan elektrik dan air, kesihatan dan lain-lain yang perlu ditangani dengan kadar segera. Kadar maksimum adalah sebanyak RM300 sekaligus dalam bentuk tunai atau barangan.

## Bantuan Segera Melalui Aktiviti/ Program Pedampingan Sosial (*Outreach Programme*)

Bagi kes yang dilayani semasa Program Pedampingan Sosial (*Outreach Programme*) melibatkan aktiviti di luar pejabat seperti Program Cari & Bantu (*Search & Serve*), Program Ziarah Kasih dan lain-lain. Kadar maksimum adalah sebanyak RM300 sekaligus dalam bentuk tunai atau barangan.

## Bayaran Pertama bagi Bantuan Bulanan

Bagi tujuan pembayaran pertama bantuan bulanan dengan kadar bayaran berdasarkan kepada kadar bantuan bulanan yang diluluskan.

## Bayaran Balik Bantuan (*refund*)

Bagi kes penerima bantuan yang tidak menerima bantuan bulanannya atas sebab telah refund kerana sakit mengejut, kemalangan, atau sebab lain yang munasabah.

## Mangsa Bencana Kecil /Terpencil

Pemberian bantuan berbentuk *one-off* bagi mangsa bencana yang melibatkan kerosakan rumah dan harta benda. Kadar maksimum adalah sebanyak RM300 sekali gus dalam bentuk tunai atau barangan.

## Kes Terdampar

Pemberian bantuan berbentuk *one-off* bagi kes terdampar akibat daripada keadaan tertentu yang memerlukan bantuan segera seperti rujukan hospital atau mangsa kecurian/ seluk saku atau mangsa agen pekerjaan atau bekas banduan yang baru keluar dari penjara dengan rujukan penjara. Kadar maksimum adalah sebanyak RM300 sekali gus dalam bentuk tunai atau barangan.

## Bantuan sekaligus bagi kes yang memerlukan

Pemberian bantuan berbentuk *one-off* bagi kes yang mengalami musibah mengejut dan memerlukan bantuan segera seperti kematian ibubapa akibat kemalangan menyebabkan ahli keluarga hilang tempat bergantung atau apa-apa kes lain yang sangat memerlukan. Kadar maksimum adalah sebanyak RM300 sekaligus dalam bentuk tunai atau barangan.

# BANTUAN MANGSA SERANGAN BINATANG BUAS

## SYARAT DAN KELAYAKAN

1. Mangsa atau waris adalah Warganegara dan bermastautin di Malaysia.
2. Tempoh maksimum permohonan adalah tidak melebihi satu (1) tahun daripada tarikh kejadian.

Kadar minima RM200

Bayaran penuh sebanyak RM10,000 bagi kes yang melibatkan kematian.


Kadar bayaran bagi kehilangan upaya sebahagian dan kekal bergantung kepada tahap kecederaan.

Kategori kecederaan dan jenis binatang buas akan disahkan oleh PERHILITAN/Jabatan Perikanan.

## KADAR

- i. Kadar minima RM200
- ii. Bayaran penuh sebanyak RM10,000 bagi kes yang melibatkan kematian.
- iii. Kadar bayaran bagi kehilangan upaya sebahagian dan kekal bergantung kepada tahap kecederaan.
- iv. Kategori kecederaan dan jenis binatang buas akan disahkan oleh PERHILITAN/Jabatan Perikanan.

# KAEDAH PERMOHONAN



1

Permohonan secara manual menggunakan Borang Permohonan Bantuan Jabatan Kebajikan Masyarakat (JKM 18)

2

Permohonan melalui daftar secara atas talian (*online*) sistem e-Bantuan bagi pemohon yang hadir ke pejabat tanpa borang JKM 18

3

Permohonan secara atas talian (*online*) sistem e-Bantuan

## Terima Kasih

